



# basic education

Department:  
Basic Education  
**REPUBLIC OF SOUTH AFRICA**

## **SENIOR CERTIFICATE EXAMINATIONS/ NATIONAL SENIOR CERTIFICATE EXAMINATIONS**

**SESOTHO PUO YA TLATSETSO YA PELE (FAL)**

**PAMPIRI YA BORARO (P3)**

**2019**

**MATSHWAO: 80**

**NAKO: Dihora tse 2½**

**Pampiri ena e na le maqephe a 6.**

**DITAELO LE DIKELETSO HO MOHLAHLOBUWA**

1. Pampiri ena e arotswe DIKAROLO TSE THARO, e leng:  

KAROLO YA A:	Moqoqo	(50)
KAROLO YA B:	Ditema tsa kgokahano tse telele	(30)
KAROLO YA C:	Ditema tsa kgokahano tse kgutshwane	(20)
2. Araba potso E LE NNGWE KAROLONG E NNGWE le E NNGWE.
3. Araba dipotso TSOHLE ka Sesotho.
4. Qala KAROLO E NNGWE le E NNGWE leqepheng LE LETJHA.
5. Karolong e nngwe le e nngwe o tlameha ho etsa moralo wa ho ngola (ka ho iketsetsa mmapa wa monahano/daekramo/tjhate/lenane la dintlha tseo o tla ngola ka tsona). Boela o lekole botjha mosebetsi wa hao, o be o lokise diphoso. Moralo wa hao o hlahe PELE ho tema e nngwe le e nngwe.
6. Mekgwaritso yohle e totobatswe hantle hore ke mekgwaritso ka ho habahanya/seha mola ho tloha hodimo ho ya tlase, NTLE LE nehelano e tlo tshwauwa.
7. O eletswa ho sebedisa nako ya hao tjena:  

KAROLO YA A:	Metsotso e 80	
KAROLO YA B:	Metsotso e 40	
KAROLO YA C:	Metsotso e 30	
8. Nomora dikarabo tsa hao feela jwalo kaha dipotso di nomorilwe pampiring ya dipotso.
9. Ngola sehlooho se loketseng potso eo o e kgethileng.
10. Sehlooho se se ke sa balellwa ha ho balwa palo ya mantswe.
11. Ngola ka mongolo o makgethe o balehang.

**KAROLO YA A: MOQOQO****POTSO YA 1**

Kgetha sehlooho SE LE SENG, mme o ngole moqoqo wa bolelele ba mantswe a 250 ho isa ho a 300. Ha o kgethile ho ngola ka setshwantsho, o nehe moqoqo wa hao sehlooho. Hopola ho etsa moralo, mme o be o boele o lekole moqoqo wa hao botjha ho hlaola diphoso.

- 1.1 Ruri, ho utlwa bohloko ho hlalefisa motho. [50]
- 1.2 Bohlokwa ba lekgetho ntshetsopeleng ya setjhaba. [50]
- 1.3 Monate le bohloko ba ho ba mokwetlisi dipapading. [50]
- 1.4 Ditlamorao tse bosula tsa ho hloka boikemelo bophelong. [50]
- 1.5 Ha nka bona batjha ba na le bokamoso bo tjhabileng ... [50]
- 1.6 Sheba setshwantsho, mme o qoqe ka seo se se qholotsang maikutlong a hao. Neha moqoqo wa hao sehlooho.

1.6.1



[Se qotsitswe le ho lokiswa ho tswa ho [www.google/pictures](http://www.google/pictures)]

[50]

1.6.2



[Se qotsitse le ho lokiswa ho tswa ho [www.google/pictures](http://www.google/pictures)]

[50]

1.6.3



[Se qotsitse le ho lokiswa ho tswa ho [www.google/pictures](http://www.google/pictures)]

[50]

**MATSHWAO OHLE A KAROLO YA A: 50**

**KAROLO YA B: DITEMA TSA KGOKAHANO TSE TELELE****POTSO YA 2**

Kgetha, mme o ngole tema E LE NNGWE ya bolelele ba mantswe a 120 ho isa ho a 150. Hopola ho etsa moralo, mme o be o boele o lekole tema ya hao botjha ho hlaola diphoso.

**2.1 LENGOLO LA SEMMUSO**

Ngolla mosuwehlooho wa sekolo sa heno, mme o tletlebe ka tlhokeho ya polokeho jareteng ya sekolo.

**[30]****2.2 TSA BOPHELO BA MOFU/OBITJHUARI**

Motswala wa hao o hlokahetse, mme o kopilwe ke ba leloko ho ngola obitjhuari ya hae. Ngola obitjhuari eo.

**[30]****2.3 TEKOLOKAKARETISO/BOIKGOPOTSO**

Le ne le ketekela letsatsi la hao la tswalo restjhurenteng e tsebahalang motseng wa heno. Ngola tekolokakaretso ya lebenkele leo la ho jella.

**[30]****2.4 PUO**

Tshetlehela baithutimmoho le wena puo malebana le kopano eo o neng o ile ho yona, moo Letona la Thuto ya Motheo le neng le kgothalletsa baithuti ho sebetsa ka thata dithutong tsa bona.

**[30]****MATSHWAO OHLE A KAROLO YA B: 30**

**KAROLO YA C: DITEMA TSA KGOKAHANO TSE KGUTSHWANE****POTSO YA 3**

Kgetha, mme o ngole tema E LE NNGWE ya bolelele ba mantswe a 80 ho isa ho a 100. Hopola ho etsa moralo, mme o be o boele o lekole tema ya hao botjha ho hlaola diphoso.

**3.1 PHOUSERARA**

Etsa/Rala phousetara eo ho yona o tsebisang setjhaba ka ketelo ya dingaka tsa diphoofolo motseng wa heno.


**[20]****3.2 DAYARI**

Ngola dayari ya matsatsi a mararo a malebana le boitokisetso ba hao pele ho ditlhodisano tsa makgaolakgang papading eo o e ratang.

**[20]****3.3 DITSHUPISO**

Malome wa hao o tla moketeng wa kabo ya dikgau tsa mmimo sekolong sa heno. Feela ha a tsebe moo sekolo seo se leng hona teng. Mo ngolle ditshupiso tse mo tataisang ho tloha sepetleleng sa Arabelang ho ya fihla moo sekolong. Ithuse ka mmapa o latelang.

**ELA HLOKO:** Ditshupisong tsa hao, se lebale ho hlahisa mabitso a diterata le a meaho.

**[20]**

**MATSHWAO OHLE A KAROLO YA C:**  
**MATSHWAO OHLE A PAMPIRI ENA:**

**20**  
**100**